

Аёлингизга қанча ҳақ тўлайсиз



14:16 / 14.04.2023 3478

Нефть соҳасида ишловчи бир муҳандиснинг аёли вафот этиб, ундан уч нафар ўғил қолди. Болаларнинг каттаси бошланғич мактабнинг учинчи синфида ўқир, кенжаси эса икки ойлик чақалоқ эди. Муҳандиснинг оиласидаги катталарнинг қистови сабаб, уйланиш учун турли хонадонларга совчиликка борди. Аммо бирорта аёл муҳандиснинг уйидаги улкан масъулиятни зиммасига олишни истамади. Муҳандис совчиликка борганда ойнинг кўп вақтларида иши туфайли уйда бўлолмаслигини айтган эди.

Уйланиш борасидаги ва ишдан кўпроқ муддатга рухсат олиш борасидаги уринишлар бесамар кетгач, эркак болаларига қарайдиган тарбиячи ёллашга қарор қилди. Тарбиячи университетни битирган, инглиз тилида равон гаплаша оладиган, хизматга яраши учун ёши қирқ бешдан ошмаган ва яна фалон, фалон сифатларга эга бўлиши керак деб эълон беради. Эълон берилгандан бир муддат ўтиб, чамаси ўттиз беш ёшлар атрофидаги бир аёл эълонда берилган манзил бўйича келади.

«Мен инглиз ва француз тилида равон гаплаша оламан», дея ўзинин танишириб, Фарзандларингизни кўрдим, иш менга маъқул бўлди, чунки мен ҳозирда пулга муҳтоҷман», деди. — Аммо менинг ҳам бир қанча шартларим бор. Кенжаси эмизикли бўлган уч болангизга қараганим ойлик маошим икки минг жунайх бўлади. Мен фақат болаларга, уларнинг хотиржам ором олиши, таомланиши, шахсий тозаликларига масъулман.

Агар уларни ўқитишимни хоҳласангиз, маошимга яна уч юз жунайх қўшиб берасиз. Агар уларга таом пишириб беришимни хоҳласангиз, маошимга тўрт юз жунайх учун қўшиб бериб, таом учун бозордан керакли маҳсулотларни етказиб берасиз. Агар кичик фарзандингизнинг кийимларини ювиб беришимни хоҳласангиз, менга яна икки юз жунайх кўпроқ маош беришингиз керак бўлади. Агар фарзандларингиздан бири бирор касалликка чалиниб, алоҳида қаровга муҳтож бўлса, унда ҳам маошимга яна уч юз жунайх қўшасиз. Бундан ташқари уйни тозалаш, сизга ва катта фарзандларингизга алоҳида эътибор қаратишга мен масъул эмасман. Булар учун бир хизматчи ёллашингиз керак бўлади. Жума куни дам оламан. Ҳафта давомида шу куни ишга чиқмайман. Бу менинг ҳаққим. Ўша куни ҳатто телефон қўнғироқларига ҳам жавоб бермайман. Фақатгина ўта зарур ҳолатдагина қўнғироқ қилишингиз мумкин.

Азиз диндошлар, жуфти ҳалолингизга қилаётган хизматлари учун қанча ҳақ тўлайсиз. Очиғи, ҳеч қанча... Тўғрими?

Аллоҳ таоло Қуръони Каримда шундай марҳамат қилган:

وَإِنْ زَوْجَ مَكَانٍ أَسْتِبْدَأَ أَرَدْتُمْ وَإِنْ

أَتَأْخُذُونَهُ شَيْئًا مِنْهُ تَأْخُذُوا فَلَا قِنْطَارًا إِحْدَانُهُنَّ

أَفْضَى وَقَدْ تَأْخُذُونَهُ، وَكَيْفَ ۝ مُبِينًا وَإِثْمًا بُهْتَنَا

مِيْثَقًا مِنْكُمْ وَأَخْذَتْ بَعْضٍ إِلَى بَعْضٍ كُمْ

٦١ غَلِيظًا

«Ва агар хотин ўрнига бошқа хотин олмоқчи бўлсангиз ва уларнинг бирига беҳисоб маҳр берган бўлсангиз ҳам, ундан ҳеч нарсани қайтариб олманг. Уни бўхтон ва очиқ-оидин гуноҳ ўлароқ олаверасизми?

Ва қандай ҳам олурсиз?! Ахир бир-бирингизга қовушдингиз ва сиздан салмоқли аҳду паймон олганлар-ку?!» (Нисо сураси, 20-21-оятлар).

Роббимиз субҳанаҳу ва таоло ушбу оятларда аёлимиз биздан салмоқли аҳду паймон олганининг хабарини берди. Бунинг сабабини энди тушундикми?

Аёлимиз бизга ва фарзандларимизга қилган хизмати эвазига ҳеч қандай ҳақ олмайди. Мабодо, олса ҳам уни уйимиз ва фарзандларимиз учун ишлатади. Гоҳида оила учун ўз молидан ҳам сарф қиласди. Аёлимиз юқоридаги хизматчи аёлдан кўра анча кўп меҳнат қиласди. Меҳнат қилганда ҳам малолланмай, жеркимай, маош кутмай, муҳаббат, розилик ва чин қалбдан хизмат қиласди.

Ҳабибимиз соллаллоҳу алайҳи васалламнинг Видо хутбаларида «**Аёлларга яхши муносабатда бўлишингизни сизларга васият қиласман**», деган насиҳатларини, «**Шишаларга** (аёлларга) **мулойим** **муносабатда бўлинглар**», «**Сизларнинг энг яхшиларингиз аҳлига яхши муносабатда бўлганларингиздир**. **Ва мен орангизда ўз аҳлига энг**

яхши муносабатда бўлувчиман», деган насиҳат ва тавсияларини унутмайлик. Сўзимиз охирида ушбу оятни келтириб ўтсак:

قُرَّةَ وَذُرِّيَّتِنَا أَزْوَجَنَا مِنْ لَنَّا هَبْ رَبَّنَا يَقُولُونَ وَالَّذِينَ

إِمَامًا لِلْمُتَّقِينَ وَاجْعَلْنَا أَعْيُنِ
٧٤

«Улар «Роббимиз, Ўзинг бизга жуфти ҳалолларимиздан ва зурриётларимиздан қўз қувончи ҳадя эт ҳамда бизларни тақводорларга пешво қил», дейдиганлардир» (Фурқон сураси, 74-оят).

Доимо аҳли аёллари ва фарзандлари ҳам Ислом йўлида юришининг пайида бўлиш ҳамда тақводорларнинг пешвоси бўлишга уриниш ихлосли мўминларнинг сифатларидан биридир.

Роҳманнинг суюкли бандалари доимо жуфти ҳалолларидан ҳам, болачақаларидан ҳам кўзларини қувончга тўлдирадиган нарсаларни кўришни Аллоҳ таолодан сўраш билан бирга, бунга ҳаракат ҳам қилишади. Ўз шахсларининг эса тақвода бошқаларга ўрнак бўлиши учун тиришадилар.

أَعِينْ قُرَّةَ وَذِرِّيَّتَنَا أَزَوَّجَنَا مِنْ لَنَّا هَبَّ رَبَّنَا

إِمَامًا لِلْمُتَقِينَ وَاجْعَلْنَا

Роббимиз, Ўзинг бизга жуфти ҳалолларимиздан ва зурриётларимиздан кўз қувончи ҳадя эт ҳамда бизларни тақводорларга пешво қил.

Нозимжон Ҳошимжон & Маҳмуд Баҳром & Хуршид Маъруф